

KA PACITOTAHT AWENAK KASKIHTAMASOWINA

IHTĀWINIHK KATOTAKOCIK KAWIHTAHKWAW

Kekwān oma ihtāwinihk ka Totakocik Kawihtahkwaw?

Ihtāwinihk ohci ayamiwin oma e-masinahikātek e-wihcikātek anima ka macitotakek kekwān eka katawa e-isanik nāntaw ka totakocik ininiwak. Awenak ota ihtāwinihk mekiw oma e-ayamihtat otihtāwin ohci e-ayamestamawat. Kespim mkā oko ihtāwinihk nohte wihtamwak masinahikanihk ka totakocik kekwān, oko Onasowewikimawak poko ta nkātihnihtahkwaw ewakweniw kespim e-nohte ahkihtamawahcik kekwān.

Ihtāwinihk katotakocik kawihtahkwaw nistawinamwak om kā totakocik kekwān ka pacihtokakocik wanaw e-isanik. Askaw mana aw kā pacihtotaht mona peyak poko – mkā eyawis ihtāwin. Kekwān ohci oma ihtāwin katocikemkāhk wihtamowin ta pakitinihcik ihtāwinihk ta wihtamawahcik Onasowewikimawa anihi asici ka pacihtokakenit tansi oma e-totakonit ohi ihtāwinihk.

Awenak awa ta kih osihtat ihtāwinihk katocikemkāhk ta wihtahk?

Tahto ihtāwin nawasonewak aweniwa ta osihtanit oma ihtāwinihk katotakocik wihtamowin. Pokana awenak ewako ihtāwinihk ohci nāntaw ka kih manitotakot kewan e-totamoht ta kiskihnihtahk anima kekwān ka kih tocikatenik. Tāpiskoc, ihtāwinihk onekanewak, otenawa, ayamihewikamikwa, ekwa Ininiwak Iskonikanahk mana kih osihtapan oho ihtāwinihk katotakocik wihtamowina.

Oski kekwān ci oma ihtāwin katocikemkāhk wihtamowin?

Kanata Onasowewikimawak kih peci otinamawak ihtāwinihk ohci wihtamowina mecet petos kekwān ohci acinaw ekwa. ekospih 2011, oma *Pacitotakewin Wanasowewin kih wihtamwak ta kih apatahkik oho ohci awenak ka kakwe kayisihtat.*

Piskihc ka masinahikātek 722.2 oma *Pacitotakewin Wanasowewin*, ka kih siwepanik ekospih Opaskowi Pesim 23, 2015, kih pakitinihcik ihtāwina ta osihtacik ihtāwin katotakocik wihtamowina kahkinaw ohci pacitotamowina. Piskihc ka masinahikātek 722.2 itastew oho ihtāwin katotakocik wihtamowina ekosi katawa isi e-misihot awenak kahkinaw ohci misihowina ota Kanata.

Ihtāwinihk onekane na ta kih ayamihtaw oma ihtāwin katocikemkāhk wihtamowin ta kisewet?

Kespim ihtāwinihk onekane nohte ayamihtaw oma ihtāwin katotakocik wihtamowin oma kā onasowaniwik, awa Onasowewikimaw ta kih pakitinam. Awa onasowewikimaw ta kih nawasonam ta pakitinahk ihtāwinihk kayanit ta wihtaminic ihtāwin katotakocik wihtamowina petos mkā isi ka isi nahipaninik, tāpiskoc esa ka cikastepanihimiht.

Ihtāwinihk onekane na ta kih kakwecimew oho Onasowewikimawa ta pakitinihcik ta ayamihtat otitwewin mkā ita isihtoskakot aweniwa kisiwak



Kaskihtamason
ta kiskihnihtaman



Kaskihtamaso
ta kitenimiht



Kaskihtamason ta
wecihiweyan



Kihkaskihtamason
tipahamakowin



Ka kih mawihmokahn

e-nepawinit, ahpo e-kasokapawinit ahpo wanawihitimihk wanasowewikamikohk cikastepanicikanihk e-kitapamat ekosi eka ta kitapamat anihni ka misimat. Ana Onasowewikimaw poko ekosi ta isi pakitinahk.

Kekwān ta kih kikastew ota oma ihtāwin katocikemkāhk wihtamowin?

Ihtāwin katotakocik wihtamowin ta skāskinahaniwik ta apatahk oma itinatohk masinahikan ihtāwin katotakocik wihtamowin itowahk kapatahk oho kotkā tipahaskana. Ewako wihtamakewin ta itastew kekwān ohci awa onekawak ka ayamestamawat oho ihtāwinihk. Onekawak oko ta kih wihtamwak tansi oma ka isi pacihtotakocik kekwān ihtāwinihk otehiwahk,, weyawahk ekwa mena osoniyamiwahk asici tansi e-isi kostahkwaw oko ihtāwinihk ka ayahcik nāntaw ta totahcik owahkomkāniwawa ahpo ototemiwawa. Awa onekawak ta kih tapasinaham, ahpo ta masinahahk pakwanawe itwewin ahpo masinahamatowin ta wihtahk ekota tansi oma pacihtotakewin ka isi tawiskakocik oko ihtāwinihk.

Tansi oma ihtāwin katocikemkāhk wihtamowin ka isi pakitinikātek?

Tahto tipahaskan ta onastawak wenawaw tipinaw ka we isi totakwaw oma ihtāwin katotakocik wihtamowin. Oma ihtāwin katotakocik wihtamowin masinahikan ta kih kacihnikatew ekota ohci simkānisenah, ka pacihtotahcik ka wecihecik ahpo omisekemew. Ka kih wecihikowin ta skāskinatayin ekota ohci ka pacihtotahcik ka wecihecik/ ihtāwin katotakocik wihtamowin ka isi tocikātek ota tipahaskanihk. Ka kesi skāskinahaniwik ta menahcik oko ka pacihtotahcik ka wecihecik ahpo an kā misekemot ayamestamakew.

Ana ka pacihtotak ahpo otayamestamakewa mena kacihninamiwawa ka kihtwamasinahikepanik anima ike skāskinahaniwik ihtāwin katotakocik wihtamowin ekwa ta kih ka kakwihcimawak oko ihtāwinihk ohci onekawak ewako ohci wihtamowin.

Tanta ona kotak kiskihnihtamiwin ta kih miskaman?

Kespin kena ahpo kotak awenak nāntaw kih ki totkāwin, ka kih wecihikawin. Kahkinaw tipahaskanihk ihtakwanwa wecihiwewina oko ohci ka kih pacihtotahcik. Ka kih wecihikwak kespin kih nohte kiskenihten kekwān ahpo kih nihte wecihikawin. Oma Ka Pacihtotaht Wenak Wecihikowina Ka masinahikāteki Wihniwina ka kih wecihikon ta miskawahcik ka pacihtotaht awenak wecihiwewak kisiwak ita e-ayayin:

<http://www.justice.gc.ca/eng/cj-jp/victims-victimes/vsd-rsv/index.html>

© Kihci Okimāskew okaskihtamāsowina ota Kānata, ka isi nepawestamākot ohi Okimāwa ka Nekānenit Tipāskonikewinihk nesta Soniyān Okimāwa ohci Kanata, 2019

ISBN 978-0-660-30627-8
Cat. No. J2-412/6-2015Rc3-PDF